

重修涪州志

卷三

重修涪州志卷二

輿地志

古蹟

碑目

壘墓

寺觀

古蹟

新市里

巴志

龜亭

巴志

懷清臺

括地志在涪州采安縣東北七十里也

丹穴

史記註徐廣曰涪陵出丹

陽關

治西華陽國志巴子所置三關之一也漢時恆有都尉守之蜀漢延熙中車騎將軍鄧芝以江州都

督治陽關是也水經注江水東逕陽關巴子梁即橫石灘也括地志涪州之陽關夔州魚腹縣之江關峽

州巴山縣之捍

關此三關也

馬援壩

治南五里後漢書馬援討五溪蠻有兩道可入從壺頭則路近而水險從充則途夷而運遠不

如進壺頭扼其咽喉充

高守隘水逆船不得上賊自破遂由涪進壺頭賊乘

病因穿兩岸巖

為室以避炎氣

馬武臣

治西南六十里相傳漢馬武曾屯兵於此

銅柱灘

治東寰宇記馬援始欲鑄銅柱於此又云昔人維舟見水底有銅柱故名

鐵櫃山

治北五里橫亘江立如櫃相傳諸葛武侯曾屯兵於此舊城猶存

一名石甕磧一名是君山山下

為北巖即程伊川先生註易之所

歇聖灘

城北關外蜀漢張桓侯收川鎮閬時常往來於此宋大觀中於祠前掘地得三印佩鉤刀斗上

刻侯名仍沈

之以鎮灘險

三仙樓

涪州北巖東謂爾朱先生蘭真人王帽仙三仙也

赤甲戌

治西舊志漢末為赤甲兵所聚

齊涪陵王邸

治西枳縣故江陵遙廢齊

城齊中興元年寶融卽位於主寶卷為涪陵王蓋郡王也

未至邸遇弑追廢為東昏侯

寶月帖

譚苑醍醐秦子明法帖十卷載入黔

涪州人買石摹刻僧寶月占中壁之紹聖院寶月帖在

隋開皇帖南唐昇元帖之前比之金薄匱紙銀錠痕者優劣當懸矣

荔枝園

方輿紀勝妃子園以驛遞馳載七日

在涪州之西去城十五里唐時七夜至京人馬斃於路者甚

衆方輿勝覽蜀中荔枝州又次之蔡君謨荔枝譜

曰貴妃嗜涪州荔枝歲命驛瀘敘之品為上涪州次之合

致時之詞人多所稱詠刺忠州既形於詩又圖

張九齡賦之以托意白居易

貢取之涪蓋當時南海牧姚公藍坡倡捐建亭

與涪州並進也咸豐十年州榭樹荔枝以存舊跡

李渡

治西三十里相傳李白曾過此因名

黃草峽

治西一百里水經注涪州西有黃葛山高險絕無人居即黃草峽也杜詩註亦曰峽在涪州西

有黃葛山高險絕無人居

相思巖相思竹

楊升菴譚苑醍醐扶竹解武林山西韋有雙竹院中所產脩篁嫩篠皆對抽并

肩王子敬竹譜所謂扶竹譬猶海上之桑兩兩相比謂之扶桑竹之笋名曰合歡按律書注伶倫取嶰谷之竹陽律亦取雄竹吹之陰呂亦取雌竹吹之蜀涪州有相思巖昔有童子仙女相悅交贈今竹有桃釵之形亦有柔麗之異巖名相思巖竹名相思竹孟郊詩云竹嬋娟籠曉烟指此竹也

點易洞

北巖石壁有洞宋程伊川註易於此石彥佑題有伊洛淵源四字刻洞壁

鉤深堂

程伊川謫涪即舊普淨院闢堂黃山谷為題鉤深堂三字宋嘉定間州守范仲武塑像祀之

樂溫縣蒲氏壘

范成大行紀蒲氏壘舊出此人詔死久矣其族猶賣墨不復大佳以價賤故也

排亭

范成大泊舟排亭濁浪涵湧移棹涪陵江

宋板淳化帖

石彥恬記云帖年大將軍家故物也雍正間大將軍有罪被逮籍沒蘄水王公國英

時令宛平轉得收藏載以歸世稱蘄帖自此始王官至廣東都轉運使子孫宦遊帖聽度閣迄少搨本行世道光甲辰余自閩中解宦歸蜀避水鄂渚聞王氏子攜此求售傾資購之資盡遂留鄂命工拓出公於知好夫蘄帖之名宋以前祇碑本單行若刻集彙部實椎輪淳化也泉州馬蹏祖本亡矣賈似道半間堂銀釘本已就湮泐今所行者唯肅府棗木板鉤手刻手遜此不啻數等論古者當求之神韻耳舊說閣帖卷首有臣王著模四字卷末聖旨擡高一字者最是則然矣吾友李司馬石筠聞之自武穴來賀口誦空齋畫靜蜀登登句入門一笑曰從此可名治帖矣余曰然此物往在王侯卿相家而何緣入吾手耶乃記而刻於後甲辰嘉平記時在江夏

碧雲亭

點易洞側宋州守范仲武建每歲春率僚佐耆老勸農於此

洗墨池

三畏齋左側巖溜潺湲石凹積水成窪上刻治翁洗墨池五字

三畏齋

宋尹和靖從伊川於北巖石鑄尹子讀書處州牧晴湖張公構齋榜曰三畏奉和靖木主為曲

廊小軒翬石成池小橋亘之蒔竹闢徑繚以石欄冷綠翳勃景甚幽邃

杜巖

省志涪州南長灘里內巖下有古桂樹花不常開其年有上登科則花巖上有桂巖二宇

石門

寰宇記石門周地圖記云涪陵均堤東十三里有石門門東有石鼓清晨叩之其聲清越

致遠亭

三畏齋右側宋嘉定間州守范仲武建

吳公堂

宋太守吳光輔疏城南溪水後其孫信仲仍守涪陵乃臨溪建堂明晏亞夫居此遂名晏溪

晏溪堂

在今東門外天慶宮晏亞夫舊宅也後有石泉壁鐫清冽泉三字木署古忽齋志又斷碑二

風月臺

一統志在涪溫山廢縣北曰虎山山有石龕名曰風月臺

黃巖沱

治西五里黃山谷巖舟於此

白雲書院

治南百有二十里鳳凰山高聳矗雲平張雨翼登眺目窮數百里前明劉司諫秋佩先生

巖里也麓有八卦巖司諫少時讀易處及刻逆受
廷杖日巖崩見天然八卦圖書院則山後脈也第奇

山建永思樓闕最樂洞日與先生嘯咏其
間宅下溪山佳勝處日七星橋先生所建

白馬砦在州南宋置旁有白馬
鹽場大觀四年砦廢

鹹泉郡志云武隆縣距白馬津東三十餘里江岸有鹹
泉初定康間有程運使舟次鵲岸聞江中有硫磺

氣襲人謂此必有鹹泉召工開之果有鹹脈時兩岸
薪蒸膽足乃遷忠州竈戶教以煮鹽之法至四百餘

竈由是兩岸林木芟薙童然又鹹井溝治東百里水
可為鹽曾經汲煮井口有二釜覆之莫詳所自

白馬鹽場九域志治陵縣有白馬驛鹽場輿地紀勝白
馬津在武隆司三十五里有鹽官宋置白馬

砦今白
馬鎮

白鶴梁爾朱真人浮江而下漁人有白石者舉網得之
擊磬方醒遂於梁前修煉後乘白鶴仙去故名

花園治西七十里宛平縣令陳可則先生故宅也宅右
池榭亭址猶存石壁鐫詩云掃石雲依席鳴琴鶴

在陰故人今已約徐上快哉亭
又擘窠書高山流水字四

學士印 龜龍關下一石方八尺高丈許四面壁立而殺
其上紐長尺餘明張丹坪先生有詩刻紐上水

落則見沙
積歲豐

碑記目

漢涪陵太守關

題云漢涪陵太守龐肱闕
肱龐士元子漢後帝時嘗
為涪陵太守涪熙中賢良

任子宣舟過涪陵於小民家見漢隸隱然遂載以
歸碑在左縣任賢良家至今存此事得之夔路鈴

轄馮田乃
任之甥

唐千福院水泉記

光啟中太
守張濬撰

李文定公神道碑

在報恩光孝禪
寺張方平撰

普淨院記

在涪陵江北泊平間校書郎傳者記

誓虎碑

在許雄山下廣漢縣令神道俗傳爲誓虎山碑仆虎入城縣官設祭復立虎遂止

古書山碑

去樂溫縣四十里按山上石刻云唐大厯間有人修此山路于石穴中得蚪斗書數軸古

書之號以此

宋山谷碑

在涪陵尉廨廳

涪陵絕書錄

紀伊川和靖諸賢語錄

花蕊夫人詩序

熙甯五年臣安國奉詔定蜀民所獻書可入三館者得花蕊夫人詩乃出於花

蕊手而詞甚奇與王建宮詞無異建自唐至今誦者不絕口而此獨遺棄不見收甚爲可惜也臣謹繕寫入三館而歸口誦數篇於丞相安石明日與中書諸及之而王珪馮京願傳其本因盛行於時花蕊者僞蜀孟昶侍人事在國史安國題

翔鸞閣外夕
接連望見內家
過罨樓船
內人追逐采
岸飛角

予守涪陵歷數載矣戊辰冬偶於署之長隅瞥見殘
碑數寸其字全者十九缺者五蓋宋花蕊夫人費氏
宮詞百首之二也原詞云翔鸞閣外夕陽天樹色花
光遠接連望見內家來往處水門斜過罨樓船內人
追逐采蓮歸驚起沙鷗兩岸飛蘭棹把來齊拍水竝
船相對濕羅衣二詞乃百中之粹而望見內家內人
追逐之句尤其天然聲情不可磨滅者且字體裊娜
多姿雖落落如晨星復何憾焉按通志涪郡古跡載
王安國花蕊詩句此石當爲安國熙甯五年定蜀時
所刻序云得花蕊夫人詩乃出於花蕊手此刻或卽
葶花蕊手跡未可知矣東坡居士曾書此詞三十首
刻之晚香堂帖中則當時見重於文人學士爭誦流
傳畧其人而取其才大概可想見今適得殘碑不忍
拋擲因屬長子承基將原石嵌之壁間復摹勒於石
俾好古者覽之嘉慶己
巳二月北平李忻識

龜陵志 楊興序

新志 鄭鑑序

右碑記十一見宋王象之蜀輿地碑記目

劉讓閣道題字

建甯元年隸釋云相傳在蜀中閣道字原云在涪州

題共十六字金石錄誤合縣竹令王君神道爲一碑

縣竹令王君神道

字原云在涪州

題云廣漢縣竹令王君神道凡九字隸釋云微雜篆

體縣字作𠂔下畧與縣字相混故趙氏誤作廣漢縣

令而謂其借苓爲令也案金石錄又誤合劉讓閣道

題字爲一碑故以爲建甯元年十月造而此碑則無

年月字原既辨其誤又云建甯元年立何也

廣德元年碑

上德唐代宗年號唐代宗在位十七年(七三三—七五九)

端拱 宋太宗年號
宋太宗年號
太祖之弟在位
（九十六、九十七）有
五年號端拱元
年即公元九八八年

寰宇記云開寶四年黔南上言江心有石魚見上有

古記云廣德元年二月大江水退石魚見部民相傳

豐稔之兆

按此碑李調元編入黔江縣誤矣開寶間涪陵隸黔州故黔南上言耳今江心廣德

石刻石魚尚存宋端拱元年朱轉運有詩序淳熙五
年陶侍卿石刻唐刺史鄭令珪上其事可證也

右碑記三見蜀碑記日補

朱轉運詩序

涪州江心有一巨石隱於深淵石旁刻二魚右記云

魚出歲必大豐端拱元年十二月十有四日昂自瞿

塘回遵路於此知郡瑯琊王公云石魚再出來歲復

稔昂往而視之果如所云因歌聖德輒成一章

淳熙
（二十六）
五年
淳熙
五年
淳熙
五年

皇祐
號
宋仁宗年

朝請大夫行尚書戶部員外郎峽路諸州水陸計度

轉運使柱國朱昂

劉轉運石魚詩

皇祐元年

王季和題名

山西張侯來鎮是邦癸卯甲辰魚出者再邦人皆謂

前所罕見屢書以識其異忠南郡幕開漢王季和偕

所親張文龍郡齋益昌張田之奉節王建極侍太守

來觀臘月念肆日也

白鶴梁熙甯碑四

熙寧宋神宗年號
宋神宗名頤在位二十一年
元祐六年

大宋熙寧元年正月二十日軍事判官徐莊同巡檢

供奉王安民監稅殿直王令岐知樂溫縣鍾浚涪陵
縣令趙君儀司理參軍李襲觀石魚題名涪陵尉鄭
階平書

夔州奉節縣令通川黃覺莘老戶椽平原李紱公敏
掌獄鄴都梁鈞佐衮臣熙甯甲寅孟春二十九日泛
輕舟同觀石魚於此

都官郎中韓震靜翁屯田員外郎費琦孝琰姪伯外
景先進士馮造深道盧邁彥通因陪太守駕部員外
郎姜齊顏亞之同觀石魚按舊記太和汭廣德年魚
出水四尺是歲稔熟今又過之其有秋之祥歟熙甯

